

*Nakristianoan
a Ministri ni
Tony Alamo*

Pagiwarnak para iti Lubong

BARO A JERUSALEM

Dagiti Iglesia iti Entero a Lubong

Pastor Tony Alamo

Ti Nakristianoan a Nasion ni Alamo

Libro 17800

TI NAGDUMAAN ITI PANNAKAISALAKAN KEN RELIHION

ni Tony Alamo

Adayo nga ad-adu dagiti relihioso a tao ditoy lubong ngem dagiti tattao a naisalakan, dagiti naiyanak manen babaen iti ESPIRITU. Iti adu a daras, ibaga kadatayo ti Biblia, a ti relihion ket nagtaud iti diablo, ngem ti pannakaisalakan ket manipud iti APO.¹

Iti panamati ken CRISTO, DIOS ti mangsapol iti tao. Daytoy ti nagdumaan ti panamati ken CRISTO ken panamati iti relihion. Iti sabali a sao, DIOS ti nangsapol ken agtultuloy a mangsapsapol iti tao. Ti DIOS ti immuna a nakisarita iti immuna nga Adan, kada Cain, Set, Enoc, Noe, Abraham, Isaac, ken Jacob iti Daan a Tulag. Iti Baro a Tulag, ISU ti nakisarita nga immuna kada Mateo, Juan, ken ni Apostol Pablo. Idi 1964, nakisarita met ISUNA kaniak, ken adu pay dagiti dadduma iti nagbaetan ti panawen ti Biblia ken ita. Iti sabali a sao, sinapolna amin dagiti bulog a karnero, dagiti pangulo ti FAMILIANA, ket imbaonna ida a mangsapol met kadagiti karnero, nga iti masakbayan, isudanto ti maisalakan iti kamaudianan, dagiti mangbusbos iti agnanayon iti Pagarian ti Langit a kaduada ti DIOS AMA, ni CRISTO, ti inauna a bugbugtong nga ANAKNA, ken ti NASANTOAN nga ESPIRITU.

Imbilin ni CRISTO kadagiti DISIPULONA, amintayo, a sapulentayo dagiti

dadduma tapno agbalinda met a DISIPULONA tapno aramidendan-to met daytoy.² Daytoy ti INARAMIDNA iti Mateo 28:18-20 kadagito sumaganad a sasao: “Isuamin a pannacabalin naited CANIAC idia Langit ken iti rabaw ti daga. Incayo ngarud, ket pagbalinenyo nga ad-adalan dagiti amin a nacion, a bautizaranyo ida [naan-anay a pannakaipabatok iti danum]³ iti nagan ti AMA, ken ti ANAK, ken ti ESPIRITU SANTO: Nga insursuroyo cadacuada nga aywananda dagiti isu-amin a banag nga imbilinco cadacayo: Ket adtoy, addaac cadacayo nga agnanayon agingga iti panungpalan ti lubong. Amen.” Daytoy ket ni CRISTO a mangsapsapol iti tao, saan a ti tao ti mangsapsapol iti DIOS. Ti tao a mangsapsapol iti DIOS ket “relihion,” ngem no ti DIOS ti nangsapol iti tao, daytoy ket “pannakaisalakan.”

Dawaten amin a relihion a sapulen dagiti saan a naisalakan a tao ti DIOS, wenno aniaman nga ipagarupda a DIOS. Ania ti relihion? Ti relihion ket isu ti panamati ti tao ken panagraemna iti aniaman nga ipagarupna a DIOS. Isu ti puot ti tao nga adda ti dios no aniaman ti klasena, ngem awan pannakaammoma maipapan iti maysa a pudno a DIOS. Daytoy ti rason



Da Tony ken Susan Alamo, ti orchestra, ken choir iti programada iti television idi 1970s ken nasapa a paset ti '80s

iti Mateo 28:19 no apay nga imbaga ni JESUS kadagiti DISIPULONA idi, ken kadagiti amin a DISIPULONA iti agdama, “Incayo ngarud, ket PAGBALINENYO NGA AD-ADALAN DAGITI AMIN A NACION [no sinno ti pudno a DIOS tapno dayawenda, ken tapno Isuna laeng ti dayawen ken pagserbianda], a bautizaranyo ida [naan-anay a pannakaipabatok iti danum] iti nagan ti AMA, ken ti ANAK, ken ti ESPIRITU SANTO.”

Tapno makastrektayo idia Langit, masapol nga awan pagkurangantayo.⁴ Masapol a perfektotayo gapu ta imbilin ti DIOS nga agbalintayo a perfekto, ken saan pulos nga agbilin ti DIOS iti aniaman a banag nga imposible a pagbalinantayo.⁵ Imbaga ni JESUS iti Mateo 5:48, “Agimbagcayo ngarud, nga awan pagcurangan-na, a cas ken AMAYO a nailangitan nga awan pagcuranganna.” No magmagnatayo iti ESPIRITU SANTO, perfektotayo. Ibaga ti Roma 8:1-2, “Awan ngarud ita ti

(Maituloy iti panid 2)

¹ Isa. 14:29-13, 16-1:11, Jer. 23:33-40, 11-7:8, Ezek. 13:1-23, Mik. 3:11, Mat. 6:5, 7-8, 7:21-23, 15:7-9, 21:28-32, 23:1-37, Luc. 6:46, 18:10-14, Juan 5:40, 6:35-58, 10:1-15, 14:6, 15:2, 2 Tim. 3:1-7, Tito 1:16, San. 2:19 ² Dan. 12:3, Mat. 20:28-19, 8-10:7, Luc. 48-24:46, Ara. 1:8, 2:38-41, 10:39-43, Rom. 7:4, 10:13-15, 1 Cor. 1:17-18, 21, 9:16-17, Ef. 3:2-10, Col. 1:25-29, 2 Tim. 4:2, 5 ³ Mat. 28:19, Rom. 6:3-5, Col. 2:10-12 ⁴ Deut. 1, 18:13 Ar. 8:61, Sal. 119:1-3, Mat. 5:48, 2 Cor. 13:11, Ef. 4:11-13, 5:25-27, Fil. 3:12-15, Col. 1:21-22, 1 Tim. 6:14, 2 Tim. 3:16-17, San. 1:4, 1 Juan 3:6-10, Pal. 21:7, 27 ⁵ Gen. 17:1, Lev. 20:26, 19:2, 45-11:44, Deut. 18:13, 1 Ar. 8:61, Sal. 15:1-5, 24:3-5, 119:1-3, Juan 17:17-23, Rom. 6:4-14, 8:1-14, 37, 2 Cor. 6:14-17, 13:11, Gal. 5:16, Ef. 4:11-13, 5:25-27, 6:10-18, Fil. 1:9-11, 2:12-15, 3:12-14, 4:13, Col. 1:10-11, 21-22, 1 Tes. 4:6-7, 1 Tim. 6:11-14, 2 Tim. 3:16-17, Heb. 2:18, 12:14, 13:20-21, San. 1:4, 27, 1 Ped. 1:15-16, 5:8-10, 1 Juan 2:14, 3:5-10, 4:4, Pal. 3:1-5, 7:13-15

TI NAGDUMAAN ITI PANNAKAISALAKAN KEN RELIHION

(Katuloy ti panid 1)

aniaman a pannacadusa [awanen ti Impi-erno, awanen ti Danaw ti Apoy] a maipaay cadagiti adda ken CRISTO JESUS, [kadagidiay a saan a magmagna a naibasar iti lasag, ngem naibasar iti ESPIRITU] ta ti linteg ti ESPIRITU ti BIAG ken ni CRISTO JESUS, linuc-atannac iti linteg ti basol ken ti patay." Siputanyo daytoy a bersikulo, saanna nga ibaga a mabalintayo a mawaya-wayaan manipud iti linteg a moral. Mawaya-wayaan manipud iti linteg ti basol ken patay. Ibaga ti linteg ti basol ken patay a no salungasingentayo ti linteg a moral kalpasan a naiyanaktayon a nabalaliwan iti ESPIRITU, awanen ti nabatbati pay a daton (pannakapakawan) a para kadagiti basol.

Ibaga daytoy ti Hebreo 10:26-31 iti kastoy a wagas: "Ta no agbasoltayo a si-papakinakem, iti calpasan ti panangawat-tayo iti pannacaammo iti pudno, awanen ti mabalintayo nga idaton gapu cadagiti basbasol, no di ket ti maysa a nacabutbuteng a panagur-uray iti pannacaacom, ken maysa a kinarungsot ti apuy, a mangalun-unto cadagiti cabcabusor [dagiti kabusor ti DIOS]. Ti maysa a tao a nangumsi iti linteg ni Moises, gapu iti dua wenno tallo a sacsai, matay nga awan asi: Anianto a naing-inget a dusa ti pagarupenyo a maicari iti daydiay nangipayat babaen cadagiti saccasana iti ANAC ti DIOS, ket impatona a narugit ti dara ti tulag a nacasantificaranna, ket inumsina ti ESPIRITU ti paratur? Ta ammotayo daydiay nagsao; Ti ibabales maipabagi CANIAC; itdecto ti gunguna. Ket cunana manen: Ocomento ti APO dagiti TATTAONA. Nacabutbuteng ti matnag cadagiti im-ima ti DIOS a sibibiag." Daytoy ti rason no apay a ti panagbuteng iti APO ti rugi ti kinasirib.⁶ Masapol nga aramidentayo no ania ti IBAGANA, nga adayoantayo dagiti relihion, ken iti maiyanak manen a mabalaliwan iti ESPIRITU. Daytoy ti pannakaawat iti banag a KAYATNA manipud kadatayo, ken ti panagbuteng iti APO ket pannakaawat.

Iti Juan 3:5, imbaga ni JESUS ken ni Nicodemo a MASAPOL a maiyanak manen

isuna a mabalaliwan iti ESPIRITU. Saan nga imbaga ni JESUS a masapol a sumalika iti aniaman a kita ti relihion. Iti panamati ken ni CRISTO ket adayo a saan a maikumpara iti aniaman a relihion. Manen, ti panamati ken CRISTO ket iti yaay ti DIOS a mangsapol iti tao, a tartarigagayanna ti tao nga agserbi KENKUANA.

Masansan a saludsuden dagiti tattao, "Ania ti nagdumaan ti Kristianismo ken relihion?" Mabalinda met a saludsuden, "Relihion kadi ti Kristianismo?" Tapno masungbatan a napudno daytoy a saludsod, ibagak a ti Kristianismo ket saan a relihion. Ti pudno a Kristianismo ket pannakaisalakan. Uray no ti Kristianismo ket ibilang dagiti saan a nalawlawagan a naespirituan kas maysa kadagiti lima a kangrunaan a relihion iti lubong, ti kinapudno ket iti panamati ken ni CRISTO ket saan a panamati iti relihion. Mabalintayo met nga ipalawag daytoy babaen iti panangibaga a dagiti pudno a mamati ken CRISTO ket Kristiano, saan a pasurot ti aniaman nga ibagbagada a Kristiano a relihion. Dagiti relihion agingga iti agdama ket addaan iti biolente a pakasaritaan a maibusor iti Kristianismo.

Ti Iglesia a Romano Katoliko ket pimmatay iti adu a million kadagiti tallo nga agduduma a panawen ti inkuisision. Ken adu pay ti inaramidda a dadduma a pamapatay iti uneg ti napalabas a duaribo a tawen, kas iti Waco masaker, a nakatayan ti adu nga ubbing, karamanen dagiti inna ken ammada. Dagitoy a kita ti aramid iti Iglesia a Romano Katoliko ket agtultuloy agingga iti panawen ita.

Mabalintayo a kumita iti malikudan, iti panawen ti Inkuisision iti Espania, kasta met kadagiti adu a pamapatay nga inaramid ti Vatica. Mairamanen ditoy ti in-nem a million a Judio a pinapatayda idiaiy Auschwitz ken kadagiti dadduma pay a konsentration kamps iti Nazi. Ti agdama a gubat a maibusor iti Kristianismo ket manipud iti Vatica.⁷ Adu kadatayo ket addaan kadagiti ginagasot a million a dolyar ti naagaw kadatayo, ken adu kadatayo a pudno a Kristiano a naiyanak manen a nabalaliwan ket adda kadagiti pagbaludan a nasentensiaan iti tungpal biag a pannakaikulon gapu kadagiti palso a pannakaakusar gapu iti relihion a Katoliko. Saan a dagiti natataengan nga inna ken amma a Katoliko nga umat-atendar iti kulto a Romano Katoliko ti dakdakamatek. Isuda ket ignorante maipapan kadagitoy a kinapudno a kas met laeng iti dadduma a populasion daytoy agdama a lubong. Uray no kasta, ti ibagbagak ket kinapudno.

Kabayatan a dagiti kampana ti Katoliko ken Lutheran ken mabatbatang-tangda idiaiy Poland, minilmillion nga inosente a tattao ket mapappapatay kadagiti gas chambers ken oven ti Germania, santo naibuldozerda kadagiti dadakkel nga abot (mass graves). Naibaga kaniak a dadduma pay kadagidiay ket sibibiag pay laeng idi. Dagiti tagabantay ket nakita ken nangngegda amin dagitoy.⁸ Nakita amin ti DIOS, ken nangngegna.⁹ Agyamanak iti DIOS gapu iti Aldaw a Panangukom, nga asidegen nga umay.¹⁰

Ibaga ti Lucas kapitulo 12, bersikulo 1-5, "Ket idi a naguarnong ti linacsa a

⁷ Dan. 7:7, 19-27, Pal. 13:1-7, 17:1-18 ⁸ Jer. 4:16, Dan. kap. 4, Mat. 13:24-30, 36-43, 47-50, 24:29-31, Luc. 15:4-10, 1 Cor. 11:10, 1 Tim. 5:21, Pal. 14:13-20 ⁹ Deut. 2, 31:21 Ar. 1, 19:27 Cron. 28:9, Job 31:4, 34:21-22, 25, Sal. 44:21, 139:1-6, 12-16, Prov. 15:3, 11, Isa. 29:15-16, Luc. 16:15, Heb. 4:13, 1 Juan 3:20 ¹⁰ Eccl. 12:13-14, Dan. 7:9-10, Mat. 3:12, 24:3-15, 29-44, Marc. 4:22, Rom. 2:5-13, 16, 14:10-12, 2 Cor. 5:10-11, 2 Tes. 1:7-10, 2 Tim. 4:1, 8, Heb. 10:30-31, Judas 14-15, Pal. 1:7, 11:18, 20:11-15

Democratic a Republika ti Congo

(Naipatarus manipud iti French)

Naibilangkami kas inawatmi ti ministrim!

Tumaktakder ti kinatured. Makitkitak babaen iti daytoy a babasaen a maysaka a soldado para ken ni Cristo iti wagas a panangiparangmo daytoy nga Anti-Cristo, ti pulis ti estado a gobierno. Daytoy ti pammaneknek a naturedka. Ti bassit a kinakired; maysaka a managballigi, ket ammom daytoy.

Ti donasion a babasaen ket maawatmin. Naragsak a paskua (Easter/Pass-over) kadagiti amin a Kristiano manipud iti Alamo Ministries.

Zigashane Maroyi Israel

Province Sud-Kivu, Democratic a Republika ti Congo.

tattao iti casta nga agdadarisonda, rinugi-anna [JESUS] a kinuna cadagidi adalan-na, umuna: Agaluadcayo iti levadura dagiti Fariseo [dagiti relihioso a Judio], ta isu ti panaginsingsingpet [basol]. Ngem awan ti naabbungan ‘a dinto maipat’ac; ken nailemmeng a dinto maammoan: Gapuna nga, amin a sinaoyo iti sipnget, mangngegto iti lawag [babaen kadagiti tagabantay ken iti DIOS]; ket ti sinaoyo nga inyarasaas cadagiti silid a makin-uneg, maiwarragawagto cadagiti tuctoc ti balay. Ket cunac cadacayo, GAGAYYEMCO: dicay pagbutngan dagiti mamap’atay ti bagi, ket iti calpasanna, awan ti sabali a mabalinda nga aramiden. Ngem ibagacto cadacayo, no asino ti pagbutnganyo. Pagbutnganyo DAYDIAY adda pannacabalinna a mangitappuac iti Inferno, iti calpasan ti panangpap’atayna; pudno a cunac cadacayo: Pagbutnganyo DAYDIAY [ti DIOS a NAINDAKLAN].”

Immay ti DIOS ken ni Adan, a saan a makaammo no ania ti aramidenna. Imba-

ga ti DIOS kenkuana a mangan manipud iti bunga iti kayo ti BIAG tapno makapagbiag iti agnanayon, ngem nangan ketdi isuna iti bunga ti kayo iti pannakaammo iti naimbag ken dakes, nga imbaga ti DIOS a saanna a kankanen.¹¹ Manen, immay ti DIOS ken ni Adan nga addaan iti panna-kaammo maipapan iti pannakaisalakan, ngem ni Adan pinilina ti relihion ni Satanas (pannakaammo). Umay met ti DIOS iti entero a lubong, a pakairamanam, nga addaan iti pannakaammo maipapan iti pannakaisalakan, ngem kas kadagiti timel a kumkumpet iti kudil dagiti animal ken tao, piliem met ti kumpet kadagiti dadduma a relihion ni Satanas, aramidem kadi?

Immay ti DIOS ken ni Set nga addaan iti pannakaammo maipapan iti pannakaisalakan, ket rinuggian ni Set a dinayaw ti DIOS. Idi kuan immay ti DIOS ken ni Enoc, a nakipagpagna kenkuana, ket inalana isuna idia Langit tapno makipagnaed KENKUANA.¹² Idi kuan immay ti DIOS ken ni Noe.¹³ Saan a ni Noe ti na-

pan iti DIOS, wenno uray pay kadagiti dadduma. Ti DIOS ti immay kadakuada. Ni Abraham ket maysa nga agdaydayaw kadagiti didiosen, miembro ti relihion, ngem ti DIOS immay kenkuana. Saan a ni Abraham ti napan iti DIOS.¹⁴ Ni Moises saan nga immay iti DIOS; Ti DIOS ti nagparang ken immay kenkuanan.¹⁵ Immay ti DIOS kadagiti ginasgasut pay a dadduma, kas kadagiti disipulo. Immay ISUNA ken ni Apostol Pablo, a maysa a relihioso, a nakaigappuan ti pannakaisalakanna.¹⁶ Nagbalin a dakkel ti nakausaran ni Pablo iti DIOS gapu iti pannakaisalakanna, nakidangadang iti naimbag a dangadang maibusor kadagiti pannakabalin ti kinasipnget, a nakairamanan dagiti suratna nga agarup 2/3 ti entero a Baro a Tulag. Amin dagitoy ket karaman ti pudno a pannakaisalakan.

Iti Daniel, dagiti tallo a Hebreo nga anak (Shadrach, Meshach, ken Abednego) ket naipurwakda amin iti rumubrubrob a pugon gapu ta nagkedkedda a mangdayaw iti balitok a didiosen ti ari—gapu ta saanda nga immannamong a maibilang iti relihion ti ari.¹⁷ “A ti apuy awan pannacabalinna [cadagiti bagida], ti booc dagiti oloda saan met a nasiraman, ket ti sapinda saan met a nabaliwan, ket awan met ti angot ti apuy nga immay cadacuada. Ni Nabucodonosor nagsao ket kinunana, Bendito ti Dios da Sidrac, Misac ken Abdenago isu a nangibaon ti ANGHELNA, ket insalacanna dagiti ADIPENNA a naggammatalec KENCUANA, isuda a nangbaliw iti sao ti ari, ken inyawatda dagiti bagida, tapno saanda nga agservi wenno agdaydayaw iti aniaman a dios [aniaman a relihion], no di laeng ti DIOSDA met laeng.” (Daniel 3:27-28). Iti Baro a Tulag, ni Apostol Juan ket nagdalan ti kapadpada daytoy a kapadasan. Naipaburek isuna iti mantika ngem saan a napuoran. Wenno natay gapu iti pannakaipaburekna.

(Maituloy iti panid 4)

12 Gen. 24-5:22, Heb. 11:5 13 Gen. 22, 18-6:11, Heb. 11:7 14 Gen. 9-17:1, 8-12:1, Ara. 7:2-3, Heb. 11:8 15 Ex. kap. 3, Ara. 7:29-34 16 Ara. 9:1-22, Gal. 1:13-19 17 Dan. kap. 3



DAGITI ONLINE A MINISTRI NI ALAMO
www.alamoministries.com

Malawi

Patgek a Tony Alamo Ministries,

Umuna ken kangrunaan ti amin, awatenyo ti kablaaw iti nagan ni Apo Jesu-Cristo. Namnamaek ken patiek a nasayaat kayo amin. Agsubli kadakami, saan kami a makareklamo. Idaldalannakami ti Apo iti bigat ken rabii.

Iti panagiwaras ken panangitestimoniomi iti maipapan iti babasaen ni Tony Alamo, kankanayon a sagsagidennakami ti Nasantoan nga Espiritu a kas iti libro Dagiti Aramid 1:8 ken iti Marcos 16:15, gapu ta ni Pastor Tony ket naikkan iti naan-anay a pannakabalin babaen iti Naindaklan a Dios a mangdanun ti entero a lubong babaen iti pannakaikasaba dagiti babasaen, Biblia, ken libro. Isunga yapapanmi met daytoy a pannakabalin kadagiti eskinita, ket dagiti tattao a pudno nga agsubsublida iti Dios, kas kadagiti Muslim, Hindu, Saksi ni Jehova, etc., kadagiti ili, nasulineka a luglugar ken uray pay kadagiti pagbaludan.

Ditoy Malawi, inay-nayonmi ni Pastor Alamo iti inaldaw-aldaw a kararagmi, nga uray no adda isuna iti pagbaludan, dumteng ti aldaw a mawaya-wayaanto isuna iti nagan ti Apo. Baliw-baliwan dagiti lawyer ti petsa ti hearing, napukawna pay ti panagkitana, ngem saan nga agdanag kadagitoy a banag gapu ta adda kabaellan ti Dios, ken maysa nga aldaw mapagballigiannanto dagitoy a panawen ti pannubok. Da Job ken Jose ket nagdalan kadagiti dadduma a panawen ti pannubok. Ni Jose ket inlako dagiti kakabagianna, ngem intag-ay ti Dios isuna. Isu a no ti gobierno ti Amerika ket inyapanna ni Pastor Alamo kadagitoy a panawen ti pannubok, ti Dios ket addaan tengngel. Maysa nga aldaw, marnosto amin a banag iti nagan ti Apo.

Agkarkarag kami para kadakayo iti bigat ken rabii, ken agay-ayunar kami agingga a ni Tony ket mawayawayaan manipud iti pagbaludan.

Kaduang iti Apo,

Pastor Danileck Harry Mitepa

Tony Alamo Ministries, Blantyre City, Malawi, Africa

TI NAGDUMAAN ITI PANNAKAISALAKAN KEN RELIHION

(Katuloy ti panid 3)

Nakakaskasdaaw nga iti entero a Biblia, no addaman ti tao a mainaig iti DIOS, daytoy ket kanayon a gapu ta ti DIOS ti immuna nga immasideg kenkuana. Ti DIOS met ti immuna nga immay a nangsapol ken ni Job, idi kuan nagserbi ni Job KENKUANA. Awan ti masarakan iti Biblia a ti tao ket nagserbi iti DIOS gapu ta napanunotna a pagserbian isuna. Ti ibaga laeng ti entero a Biblia ket ti DIOS ti immay a nangsapol iti tao. Iti maysa nga aldaw, nakakita ni Isaias iti sermata, ken nangngegna ti timek ti APO nga ibagbagana, “Asino ti ibaonconto, ken asino ti mapan a gapu CADATAYO? Idin kinunac, Adtoyac; ibaonnac.” (Isaias 6:8). Kalpasan ti pannakakitana iti sermata, timmakder ni Jeremias tapno ipadtona kadagiti Israelita dagiti sao nga imbilin ni JEHOVA nga ibagana (Jeremias 1:4-19). Nakakita met ni Daniel iti sermata sakbay a ruggianna ti agayunar ken agkararag, nga agdawat ken ni JEHOVA a pasublienna ti Jerusalem (Daniel kapitulo 7-9). Ipakita ti entero a Biblia a ti DIOS ti umun-una nga umay iti tao sakbay nga agserbi ti tao iti DIOS.

Ti DIOS ket makisarsarita kenka babaen kaniak ken kadagiti dadduma a naisalakan a pastor ken ebangelista, isu nga awan ti mabalinmo a pagpambar iti ESPIRITU ti DIOS, nga agtaeng ken agtrabtrabaho kadatayo ken babaen kadatayo a naisalakan, ket sumursurot kenka tapno kasaritanaka, saan a para iti relihion, ngem para iti pannakaisalakanmo ken iti pannakaisalakan dagiti dadduma.

Nalawag ti pannakaibagana iti Roma 10:12-15 a dagiti mangaskasaba a naibaon manipud iti DIOS ket masapul a maibaon iti lubong tapno mamati dagiti tattao para iti pannakaisalakanda, naibaga daytoy iti kastoy: “Ta awan ti pagdumaan ti Judio ken Griego [Hentil]: ta maymaysa met laeng ti APO dagiti isu-amin, ket naparabur cadagiti isu-amin nga umawag KENCUANA; Ta: Siasinoman nga umawagto iti nagan ti APO, maisalacanto. Casanonto

ngarud ti panangawagda iti DAYDIAY dida pinati? Ket casano ti pammatidanto iti DAYDIAY dida nangnangngeg? Ket casanonto ti pannacangngegda, no awan ti mangascasaba? Ket casano ti panangicascasabadanto, no saandanto a maibaon? Cas adda a naisurat: Nagsayaat ketdin dagiti sacsaca dagiti mangyeg cadagiti narsac a damdamag dagiti naimbag a bambanag!”

Manen, imbaonnakami ni JESUS kenka. Sapsapulennaka ti DIOS; saan a sika ti mangsapsapul iti DIOS. Daytoy a kinapudno ket naipalawag kenka iti Lucas kapitulo 10, bersikulo 1-12, nga ibagana, “Ket iti calpasan dagitoy a naaramid, nangilasin ti APO ti sabali a pito-pulo [disipulo], ket imbaonna ida a sagdudua, iti masangoananna, iti isu-amin nga il-ili ken disso a dandani a PAPANANNA. Ket cuncunana cadacuada: Ti anien kinapudnoanna nga adu; ngem dagiti agani, bassitda: gapuna, dawatenyo iti APO ti paganian ta mangibaon cadagiti agani iti PAGANIANNA. Magnacayo, adtoy, ibaoncayo a cas la cadagiti carnero

iti nagtengngaang da-giti lobo. Dicayo mangicuyog ti supot ti cuarta, uray pagbalonan, uray zapatos; ket awan met ti cablaawanyo iti dalan. Ket iti uray ania a balay a sercanyonto cunayo nga umuna: Talna coma iti daytoy a balay. Ket no addanto idia ti maysa nga ANAC ti talna, ti talnayo agnaedto kencuana, ngem no awan, agsublinto met laeng cadacayo. Ket agtaengcayto iti daydiay met laeng a balay a mangan ken uminum iti ited-danto; ta ti mangmangged maicari iti tangdanna. Dicay mamalaybalay. Ket iti uray ania nga ili a sercanyonto ken pangawatanda cadacayo, canenyonto ti uray ania nga isangoda cadacayo: Ket agasanyo dagiti masacsakit nga adda idia ti disso ket cunayo cadacuada: Immasideg cadacayo ti pagarian ti DIOS. Ngem iti uray ania nga Ili a sercanyonto ken dida pangawatan cadacayo, rumuarcayo cadagiti daldalanna ket cunayo: Uray pay ti tapoc ti Iliyo a kimpet cadagiti sacsacami, pampagenmi a maibusor cadacayo: nupay casta ammoenyo, a ti pagarian ti langit immasideg cadacayo. Cunac ca-

Haiti

(Naipatarus manipud iti French)

Patgek a Pastor Tony Alamo, adipen ti Dios,

Tulongannaka koma iti dakdakkal ni Apo Jesus iti tunggal aspeto ti ministrim, kangrunaanna iti panagebanghelistista tapno kanayon a makaalaka kadagiti kararua a para ken ni Jesus iti entero a lubong. Dakkel la unay ti panagyamanmi kadagiti package (babasaen, ti libro a Mesias, ken kadagiti Biblia) nga impaw-ityo kadakami, tapno mapalubosankami a maisaknap ti ebangelio ni Jesu-Cristo. Agyamanak. Saan nga awan karga ti langit; nakita ti Apo daytoy. Iti saan a mabayag, ti Groupe Fiancée De Christ ket mangipaw-it iti maysa a sorpresa kenka a mangparegta kenka iti trabaho ni Apo Jesus. Ipakaammom kadakami no naawatmon daytoy a sorpresa.

Kayatmi nga iwaras dagiti babasaen iti porma a panag-ebanghelyo kadagiti sumaganad a petsa: 1, 2, 7, 8, ken 10 iti Abril, 2013, nga inawaganmi: Ti Dakkel a Kampanya a Panag-ebanghelismo iti Pont-Rouge. Addanto ti dua nga aldaw nga open-air a gimong nga addaan kadagiti sound system, ken tallo nga aldaw a panag-ebanghelismo a para iti Apo. Pangaasim ta tulongandakami iti kararag, ta ti diablo ket makidangdangadang kadakami, ngem kukuatayo ti balligi.

No maibusmi dagiti babasaen, ipakaammomi kenka tapno mapaw-itandakami manen.

Agtultuloy kami nga agkarkararag para kenka, ken saanka a madanagan, ta nailemmengka ken ni Cristo. Ti balligi ket para kenka ken ti familiam.

Agtalinaedka a kankanayon iti pannakasanktifika, panangibabaet, panagayunar, ken nainkabsatan nga ayat. Isalakanmo ti bagim manipud iti daytoy baribar a henerasion.

Cesar Francis Junior

General Coordinator (Groupe Fiancée De Christ)

Pont-Rouge, Haiti

dacayo nga iti dayta nga aldaw nalaglag-
anto ti inget a maipaay iti Sodoma ngem
iti dayta nga Ili.”

Dagidiay a mamati iti relihion ar-
amidenda ti kabaelanda a pagserbian ti
pagarupenda a dios, kabayatan a dagidiay
a mamati ken ni CRISTO pagserbian ti
DIOS kalpaskan nga inallukoy ken sinagidna
isuda. Gapu iti daytoy a rason, ibagak nga
awan koma ti agap-apura nga agserbi iti dios
a saan a pudno, iti agserbi iti maysa laeng
a relihion. Pagserbiantayo laeng ti DIOS
intono ISUNA, babaen iti ESPIRITUNA, ket
adda kadatayo.¹⁸ No pagserbiantayo ti DIOS
a saan pay a nagnaed kadatayo, addatayo
iti relihion imbes nga iti pannakaisalakan.
Iti pangngarig a panna, adu dagiti tattao
ita nga isab-itada ti karatola a “Kristiano” iti
ruar, ngem iti uneg ti ar-aramidenda ket
negosio a relihion. Kristianoda iti bukodda a

kapampanunotan ngem kinaagpaysoananna
relihiosoda laeng.

Ania ti kayat a saoen ti agbalin a Kris-
tiano? Ti Kristiano ket maysa nga adda ni
CRISTO nga agnanaed ken agtartrabaho
kenkuana babaen iti ESPIRITUNA, ken
tigtignayen ti NASANTOAN nga ES-
PIRITU nga agserbi iti DIOS.¹⁹ Iti sabali
a bangir, ti relihioso a tao, ket maysa a
mamati a pagserserbianna ti dios ken
tartarigagayanna nga aramidenda ti pan-
agkunana ket pagayatan ti diosna nga
aramidenna. Daytoy ti situasion ti adu
nga agkunkuna a Kristiano iti agdama.
Ibagbagada a Kristianoda, ngem saanda
met a naiyanak a nabalbaliwan. Saanda a
naisalakan, isu a saanda nga am-ammo ni
CRISTO, ken awan pamalpalatpatanda
no kasano a pagserbian ISUNA. Saanda
a masurotan ni CRISTO gapu ta saanda

a mangngeg ISUNA.²⁰ Ngarud isuda ket
imatmatonan ti bukodda a pagayatan, ken
ti pudno a DIOS ket saanna a mausar isu-
da. Awan serserbida. Ngem iti kapadasan
dagiti pudpudno a Kristiano, ti APO ket
ISU “Wen. Amen.” Ti APO ti mangida-
lan kadakuada ken DIOSDA. Daytoy ket
naan-anay a naiduma manipud iti wagas
dagiti relihioso a tattao.

Kalpaskan a naam-ammo ni Apostol
Pablo ti APO iti dalan a mapan Damasco,
ti umuna a sao nga inyebkasna ket, “Sinno
KA, APO?” (Ammo ni Pablo a ti APO, ta
no saan, saanna koma a sinalsaludsod ti,
“Sinno KA, APO?”) Ti APO imbagana
ngarud kenkuana, “Siak ni JESUS nga idad-
danesmo [no ti siasinoman ket idada-
nesna dagiti miembro ti iglesia ni CRISTO,
idaddadanesda ni CRISTO. Daytoy ket
gapu ta datayo ket BAGINA, ti TEMPLO-
NA, ti Bagi ni CRISTO].” Ibag kadatayo ti
umuna a Corinto 3:16-17, “Dicay ammo a
dacay ti Templo ti DIOS, ket, ti ESPIRITU
ti DIOS agtaeng cadacayo? No siasinoman
a tao dadaelenna ti Templo ti DIOS [ti bagi
ni CRISTO, a bukientayo], isu rebbaento ti
DIOS; ta ti Templo ti DIOS nasantoan; ket
dayta a Templo dacayo.” Nasantoan gapu
ta saanyo a sursuroten ti natay a relihion,
maysa a saan a pagnanaedan ni CRISTO
a kadwana ti AMA babaen iti ESPIRITU.
Ngem naisalakankayo, naiyanak a nabal-
baliwan a Kristiano. Ni CRISTO babaen
iti AMA, babaen iti ESPIRITU, ket agnaed
kenka a no naisalakanka, sika ket templo
ti DIOS. Dayta ti rason no apay a ti BAGI
a pagnaedan ti DIOS ket Nasantoan, ken ti
bagi a saan a pagnaedan ti DIOS ket saan a
Nasantoan. Sigurado a ti laeng kayatmo ket
ti agbalin a Nasantoan, nasursurok ngem
ti aniaman a tarigagay no addaka iti lugar
a Pagukoman ti DIOS.

Ti lubong ket napunno kadagiti pan-
angsinga ken dibersion. Dagitoy ket pan-
angsinga ni Satanas, tapno mangitawtaw
dita panunotmo manipud iti kapatgan a
banag iti entero a kaparsuaan, a mang-
patpatalinaed dita kararuam iti panags-
erbi iti DIOS ken mangpatpatalinaed ken
ni CRISTO a kadwana ti AMANA nga
agtalinaed kenka. “Bay-anyo ti tao, ‘a ti
angesna adda kadagiti abut iti agongna; ta
ania ti pacaibilanganna?” (Isaias 2:22).

(Maituloy iti panid 8)

18 Ezek. 36:27, Juan 14:15-20, 23, 26, 15:1-11, 26, 16:7-14, Rom. 8:1, 10-11, 26-28, 1 Cor. 3:9, 16-17, 6:19-20, 2 Cor. 6:16-18, Ef. 2:18-22, Fil. 2:12-13, Col. 1:27-29, 2 Tim. 1:14, 1 Juan 4:4, 5:12 **19** Isa. 30:21, Juan 15:1-5, 17:21-23, 26, 1 Cor. 15:10, 2 Cor. 5:17-21, Gal. 2:20, Ef. 3:16-21, 1 Juan 2:20, 27

Arkansas

Pastor Tony,

Timmawag kaniak ni Vera sumagmamano nga aldawen ti napalabas. Isuna ket ho-
tel manager manipud iti New Orleans. Isuna ti tumultulong kadagiti kakabsat a lal-
laki ken babba no kasapulan, kas koma no agkasapulanda iti pannaka-opera ken no
kasapulanda ti mayyapan iti ospital idia New Orleans.

Saan pulos a nalipatan ni Vera ti pammagbaga nga intedmo kenkuana idi addaan
isuna iti adu a pakakumikuman kadagiti hotel staffna. Imbagam, “Apay ta saanka a
mangala kadagiti Kristiano nga agkasapulan iti nasayaat a trabaho ket amin kayo ket
makapagdadanggay a mangsapol iti Apo? Patiek a ti negosiom ket dumur-as.” Inara-
mid a dagus ni Vera ti pammagbagam, ket iti saan a nabayag amin dagiti staffna ket
Kristiano a mamati iti Biblia. Agtitiponda iti inaldaw iti hotel tapno basaenda ti Biblia
ken agdadanggayda nga agkararag sakbay a mangrugida iti trabahoda.

Adda ti mirakulo a napasamak—iti tunggal maysa ket nakipagtimpuog a nagtra-
baho nga addaan regget ken ragsak nga agdalus ken mangurnos kadagiti bamanag. Ket
idi kuan, ti negosio ti hotel nangrugi a dimmur-as ket naawatda ti gunguna manipud iti
Regional Office.

Riniing ti Apo ni Vera iti agarup ala-una iti parbangon a timmama ti Hurricane a Ka-
trina iti New Orleans. Imbagana kenkuana a mangikarga kadagiti badbado ken daddu-
ma a supply ken mapanda idia Jackson, Mississippi, “TATTAN, APURAEM!!!” Isuna
ken ti asawana ket adda iti dayta a rabii iti maysa a hotel gapu ta ti balayda idia Gulfport
ket kailaklako laeng.

Saan laeng a sinalbar ti Dios ti biagna iti dayta a kanito, ngem isuna ket maysa pay a
survivor iti sakit a breast kanser. Kas iti imbagam, Pastor Tony, nagimula isuna iti kaasi
babaen iti panangtulongna kadagiti kakabsat a lallaki ken babba nga agkasapulan ket ina-
ramidna daytoy iti adun a panawen, ket gapu dita, inted met ti Dios ti kaasina kenkuana.

Dumdumngeg isuna kadagiti mensahe iti CD nga inted ti Dios kenka. Kayatna a
siguraduen a maammoam nga ay-ayatennaka iti Apo, ken agkarkararag isuna para
kenka, ken mamati a ti Dios ket agaramid iti dakkel a panaggaraw kenka gapu ta ad-
daka iti Apo, ken nagimulaka iti adu unay a kaasi.

Madaydayaw ti Apo.

Merry Anne

Texarkana, Arkansas

20 Juan 8:42-43, 10:27

India

Patgek a Kabsat ken ni Cristo,

Imformaranka nga, iti dayaw ti Dios, nakumpletomi ti mitingmi nga addaan kadagiti nakakaskasdaaw a milagro. Nasurok a 1,000 a miembro ti simmali. Kabayatan dagiti miting, impakaammok ti babasaem iti dakkel a gimong dagiti tattao, ken adu a miembro ti nangawat iti Apo.

Ti dayaw ket maipaay iti Apo. Inkarakarag ti tunggal maysa ti maipapan iti kaso ti Pastor tayo. Ikararagdakami. Toy managayat a kabsatmo,
Solman Raju Kola Andhra Pradesh, India



Philippines

Agyamanak la unay, Pastor Tony, iti daytoy napintas nga artikulo, “Panaggaradgad ken Panagngaretnget ti Ngipen.” Kukua ti Dios ti dayaw! Kayatko launay ta innayonna ti disiplina.

Kasapulan launay dagiti Kristiano tatta iti entero a lubong ti disiplina.

Pastor Cecilio H. Asis, Jr.

Albay, Philippines



Ni Darakonda Vidya Sagar nga agiwarwaras iti pangsoul-winning a babasaen ni Pastor Alamo, a naipatarus iti Telugu, kadagiti bario ken ili iti aglawlaw ti Visakhapatnam, Andhra Pradesh, India

California

Iti Kabsatko ken ni Cristo,

Namnamaek nga amin kayo ket adda a nasayaat ken Cristo. Kanayonak a mabenbendisionan a dumngeng iti e-mail team. Agyamanak iti pananginay-nayonyo kaniak kadagiti kararagyo. Awan ti aldaw a lumabas a saan kayo a nainayon kadagiti kararagko, kangrunaanna ni Pastor Tony. Nakaawatak ti kahon iti babasaen tatta nga aldaw ket magagaranak launay a makakita iti nadumaduma a klase nga awan pay kaniak. Pudno a kasla imawatak iti sagot iti Paskua. Mariknak ti Dios kadagiti babasaen. Inalak ti “Awan ti Inang ti Dios” ken rinugiak a binasa iti napigsa tapno mangngeng ti siasinoman nga addaan lapayag—a dumngeng. Kukua ti Dios ti Dayaw.

Saan nga umabot iti makadominggo ti limmabas, kasarsaritik ti asawak maipapan iti gastos para iti gasolina a mapan idiay kapilya idiay Los Angeles. Ken idi maawatko ti imbitasyonmo ket, ngem, wen padasek ken alaek. Ti bayadna idi ket \$100 ti round trip, ngem tattan \$200 metten ti

round trip, ngem ammok a ti Dios dagiti dios ken Apo dagiti apo ket manglukat iti ruangan no pagayatanna. Agyamanak iti dayta nga imbitasion. Iti timek ti Dios a mangibagbaga nga agempakeak iti gamitko a pang 3 a buo a domingo ken mapan iti kapilya, mabenbendisionanak iti panagbalinko nga agbisbisita kadagiti Kristiano iti napalabas, isu ti kamayatan naespirituan a kapadasak idi ken isu pay laeng. Nagpintas launay ti musika, ken mariknak nga aggargaraw ti Dios iti tunggal gimong. Mariknak ti Dios uray iti panagmanehok pay laeng iti tanap a mapan idiay kapilya, ket kayatko a mapadasan manen dayta. Uray ti makan ket nagiimas met, ken nasayaat a denggen amin dagiti testimonio, ken iti makipagtrabaho kadagiti kakabsat kadagiti eskinita ken iti buyaen no kasano nga agsaksaksi ket agimbitar kadagiti tattao iti simbahan. No kasano a masungbatanda ti tunggal saludsod babaen iti Sao ti Dios, dayta ti kanito a naammoak a kayatko ti adda kadakuada. Tatta kalpasan ti

sumagmamano a tawen ti napalabas, ken iti ad-adu pay a panagadal a sumarsaruno, nganngani akon adadiay.

Iti immuna a banag nga imbaga ti baro a rock star pope da kadagiti tattao ket mapan agkararag isuna ken ni Virgen Maria. Iti sarita maipapan iti bulag a mangiturong iti bulag iti abot! Wow! Nasursurok pay daytoy ngem ti padana! Dayta ti rason no apay a napanunotko nga umno a basaek ti “Ti Dios ket Awan Inangna.” Ni Pastor ket kanayon a kusto maipapan iti biagko. Adda ti sumagmamano a testimoniok a kayatko nga ibingay kadakayo Pastor ken Susie maipapan kadagiti UFO ken no kasano nga amin ket nagbalin iti biagko, ibingay ko dagitoy iti sumaruno a suratko. Dawatek iti Apo a bendisionannakayo amin tatta ken iti tunggal aldaw tapno makaiyumay kayo pay iti adu a karnero iti grupo kas ar-aramidenyo a namirakoloan.

Kukua ti Dios ti Dayaw.

Naimbag a rabii.

Brother Tom C.

California

Zambia

Patgek a Pastor,

Palubusannak nga agrugi babaen iti panangapresiariko iti trabaho a nang-yaban ni Apo Jesu-Cristo kenka. Iti umuna a daras a naawatko ti babasaen maipapan iti Biblia manipud iti iglesiam ket idi agarup bulan ti Hunio, 2012. Iti am-aminen, nakaawatakon iti 382 a newsletter ken dadduma pay a babasaen, 6 a libro a *Mesias*, ken maysa a KJV a Biblia. Anian a nagsayaat a trabaho a nairengpas! Daytoy ket nakakaskasdaaw ken nagdakkell! Awananak iti adu a sarita tapno maiyebkasko ti panagyamanko, ngem ti Apo a makaammo iti amin ti saksik no kasano ti inaramidan ti nainspiraran a babasaem iti biagko ken iti biag dagiti amin a nakaiwarasan ti babasaen.

Iti tunggal kanito nga ikkannak ti Apo iti tsansa ken oras, dagitoy a babasaen ket maiwarwaras kadagiti hostel dagiti estudiante, ken kadagiti bus, no dadduma no addaak iti biahe kadagiti eskinita, iti lugar ti palengke, etc. Daytoy ket uray aniaman a kanito, mabalin a no panag-ebanghelio wenno uray iti personal nga oras ti panagbisita.

Dadduma kadagiti gagayyemko (kakabsat iti Apo) ket nakaala iti libro a *Mesias* ken dadduma pay a babasaen nga usarenda para iti panag-ebanghelyo iti tunggal kanito nga ikabil ti Dios ida iti aniaman nga oras. Ti kayat a saoen daytoy ket kas ti nainspiraran a sinuratam ket nadanonna ti dadduma a paset ti lubong, O tao ti Dios, ikarkararagmi met ken patienmi a daytoy a babasaen ket maiwaras koma a naan-anay iti uneg ken ruar ti nasionmi (Zambia). Wen! Dagidiay a mangbasa ken mamati iti telon ti parabur a nalawag a naipalawag kadagiti sinuratam maipapan ken ni Jesu-Cristo ket sigurado a maisalakan!

Tao ti Dios, makapagtestimonioak a ti misterio iti ayat ti Dios a nasayaat a naipalawag kadagiti babasaem ket ipakitada a saanka laeng a pastor ken ebanghelistang nga umap-apoy iti Espiritu Santo ngem ar-aramidem pay a ti biag ti Dios ket maibingay kadagiti dadduma. Adu kadagiti nakabasa ket nagsubli ken nagtestimonio maipapan iti pannakabalin nga adda iti likudan dagiti babasaen ni Pastor Alamo. Nalawlawaganda manipud iti kinaignorante ken napnoda iti kinasirib tapno seriosoenda pay dagiti bambanag ti Langit.

Ti Naindaklan nga Apo a nangayab kenka a mangaramid iti daytoy nagmayat a trabaho ken Isuna nga akin-tengngel iti biag ken daldalantayo iti napigsa nga imana (Daniel 5:23) papigsaennaka ken aramidennaka koma nga awan pakapilawanna agingga iti panagparang iti dakkell a Dios ken Mannubot a ni Cristo Jesus. Amen (Judas 24-25, Tito 2:11-15, 1 Corinto 1:7-9).

Ngarud, mangtedak manen iti baro a kiddaw maipapan iti napulotan a sinuratam kadagiti sumarsaruno a tawtawen no iti amin a kanito ket kabaenalan ti iglesia nga ipaw-it da kadagiti nabensa a numero: (listaan dagiti naikkat a babasaen).

Dagiti sakrifisioyo ken iti dakkell a kinaduyosyo ket maapresiar da koma iti dakkell.

Kenka iti nangato nga ayab ni Jesu-Cristo,

Zimba Moses

Lusaka, Zambia

New York

Ni Tony ket naimbag a tao ti Dios. Am-ammokon isuna iti 43 a tawen. Bendisionan ti Dios isuna. Am-ammok a personal ni Tony Alamo. Ni Tony ket kusto maipapan iti Iglesia Katoliko ken nagdalan iti nakaro a pannakaidadan gapu iti lantadna maipapan ditoy, ken gapu iti kina-Messianic Jew na a para ken ni Cristo. Ni Tony ket naimbag a tao para ken ni Cristo, ket nakaro nga inakusar dagiti pwersa ni Satanas kadagiti situasion gapu iti pammatina ken ni Cristo. Ikararagtayo koma amin isuna. Bendisionannaka ti Dios, Tony, gapu iti panangitakdermo ken ni Jesus ken iti panagtakdermo a maibusor iti kinadakes ni Satanas.

Ted Whitus

NY, NY

Australia

(*Naipatarus manipud iti Spanish*)

Ken ni Kabsat a Tony Alamo,

Patgek a kabsat ken ni Cristo, kayat ko launay ti website mo ket umanamongak a naan-anay kadagiti saritam. Mamatiak a panawenen nga umun-uneg-tayo pay nga umun-uneg iti Nasantoan a Surat.

Pangaasim, kiddawek kenka no mabalinmo nga ipaw-it ti libro a *Ti Mesias*, a naglaon iti 333 a padto. Nayunna pay, no adda ti aniaman a video wenno libro kadagiti topiko a napapateg launay, pangaasim ta mangipaw-itka para kadagiti namati.

Agyamanak launay, ken agkararagak a para iti ministrim iti panangideklarana kadagitiyo a kina-pudno.

Parparabur ken ni Cristo,

Beatriz Martinez

Ferntree Gully, Victoria, Australia

New Mexico

Sumagmamano a tawen iti napalabas, ni Peter Hernandez ket adda iti pagbaludan, agsaksakit iti nakaro ta addaan iti tumor iti utek. Imbaga dagiti doktor nga addaan laengen iti 90 nga aldaw tapno agbiag. Nagsurat isuna ken ni Pastor Alamo a nakiannamong ken ni Peter, pinapigsana ti pammatina, ken pinabilegna isuna nga agdawat ken awatenna ti pannakapaimbagna. Nagsurat manen ni Peter iti surat a panangapresiar gapu ta kunana nga inusar ti Apo ni Pastor Alamo iti dakkell a wagas ket naagasan isuna. Ni Peter ket agtultuloy a magmagna iti balligi nga awan ti aniaman nga epekto ti tumor ti utek-na a kadakdakkell ti bola ti golf. Inagasan ti Apo isuna a 100%, ken iti saan a nabayag kalpasanna, nawayawayaan isuna ken nakitipon manen iti asawa ken anakna a babai.

Kabayatan nga agiwarwarasak kadagiti babasaen maipapan iti ebanghelio idia Las Cruces, New Mexico, kadagitoy laeng, iti saan nga impagpagarup, nasarakan isuna ti agasawa manipud idia simbaan. Imbaga kadakuada ti pannakalagipna no kasano a kankanayon a tultulongan ni Pastor Alamo dagiti dadduma nga agkasapulan, ken tinulonganna ti familiana, a pinaw-itanna ida iti pagan-anay, ken nagioprisiar pay iti lugar a pagnaedan idia simbaan para iti familiana kabayatan nga adda pay laeng isuna iti pagbaludan. Imbaga ni Peter a tinulongan ni Tony isuna iti kanito a panagkasapulanna. Kuna ni Peter a kayatna nga ited ti serbisiona maipaay ken ni Tony ken iti simbaan babaen iti paralegal a negosiona ken kayatna met nga iwaras dagiti babasaentayo a maipapan iti ebanghelyo iti lugarda.

United Kingdom

No agsao ni kabsat a Tony, mangrugi metten nga agkutukot ti tumeng ti Vatica. Naaramid mo a patarayan ti Diablo, kabsat a Tony iti nagan ni Jesus, Amen.

Johnathan Bailey

Newcastle, UK

TI NAGDUMAAN ITI PANNAKAISALAKAN KEN RELIHION

(Katuloy ti panid 5)

Ti pagpiliam ket daytoy: kayatmo kadi nga agbalin a Nasantoan a BAGI ti DIOS, wenno kayatmo ti agbalin a kas maysa laeng kadagiti saan a nasantoan a bagi a pagnanaedan ni Satanas? No ti piliem ket ti agbalin a BAGI ni CRISTO, ibagam daytoy a kararag:

APOK ken DIOSKO, maasi Ka kadi iti kararuak a managbasol.²¹ Mamatiak a ni JESU-CRISTO ket isu ti ANAK ti sibibiag a DIOS.²² Mamatiak a natay ISUNA idia y crus ken imbuyatna iti napateg a DARANA para iti pannakapakawan iti amin a napalabas a basolko.²³ Mamatiak a ti DIOS pinagungarna ni JESUS manipud iti patay babaen iti pannakabalin ti NASANTOAN NGA ESPIRITU,²⁴ ken agtug-tugaw ISUNA iti makannawan nga ima ti DIOS ket iti agdama a dengdenggenna iti panangikonfesarko iti basolko ken iti daytoy a kararag.²⁵ Ilukat ko ti ruangan daytoy pusok, ket AWISENKA ditoy pusok, APO JESUS.²⁶ Ugasam amin dagiti narugit a basolko babaen iti napateg a dara nga IMBUYATMO iti lugarko iti

krus idia y Kalbario.²⁷ SAANNAKTO a paglikudan, APO JESUS; PAKAWANEMTO dagiti basolko ken isalakanmo iti kararuak. Ammok gapu ta ti SAOM, ti Biblia, isu ti ibagana.²⁸ Ibagu ti SAOM a SAANMONTA a paglikudan iti siasinoman, ket mairamanak dita.²⁹ Ngarud, ammok a NANGNEGNAK, ken ammok a SINUNGBATANNAK, ken ammok a naisalakanakon.³⁰ Agyamanak KENKA, APO JESUS, iti panangisalakanmo ditoy kararuak, ket ipakitak iti panag-yamanko babaen iti panagtulnogko kas AGMANDARKA ken babaen iti saankon a panagbasol.³¹

Kalpasan ti pannakaisalakan, imbilin ni JESUS a pabautisarka, iti naan-anay a pannakaipabatok iti danum, iti nagan ti AMA, ken iti ANAK, ken iti NASANTOAN nga ESPIRITU.³² Adalem a sipapasnek ti Biblia a KJV, ken aramidem no ania ti ibagana.³³

Kayat ti APO nga ibingaymo iti dadduma ti maipapan iti pannakaisalakanmo. Agbalinka a tagaiwaras iti babasaen ni Pastor Tony Alamo a maipapan iti ebanghelio. Ipaw-itmi kenka dagiti babasaen nga awan bayadna. Tawagannakami wenno agsuratka iti e-mail para iti ad-adu pay nga impormasyon. Ibingaymo daytoy a mensahe iti dadduma.

No kayatmo a maisalakan ti lubong, kas imbilin ni JESUS, saanmo ngarud a taktakawan iti DIOS iti apagkapullo ken datdatonna. Imbaga ti DIOS, “Takawan kadi ti tao ti DIOS? Ngem TINAKAWAN-DAK. Ngem ibagayo, Sadinno ti nangtakawanmi KENKA? Kadagiti apagkapullo ken daton. Nailunod kayo iti lunod: gapu ta TINAKAWANDAK, uray daytoy sangabukel a nasion [ken daytoy a lubong]. Yegyo amin dagiti apagkapullo [ti ‘apagkapullo’ ket ti 10% ti amin a pastrekmo] iti kamalig, tapno addanto ti karne [Naespirituan a makan] iti BALAYKO [dagiti kararuak a naisalakan], ken PADASENDAK iti daytoy, kuna ti APO dagiti BUYBUYOT, no saan-konto nga ilukat para kadakayo dagiti tawa ti Langit, ken ibuyatko kadakayo ti bendisyon, nga awanto ti kwarto nga umdas nga umawat. Ken tubngarekto ti mangdadael para iti pagsayaatanyo, ken saannanto a dadaelen dagiti bunga ti dagayo; uraypay ti ubasyo saanna met nga ipaay ti bunga sakbay ti panawen ti talon, kuna ti APO dagiti BUYBUYOT. Ken amin a nasion ket awagandakanto a nabendisyonan: ta agbalinkanto a maysa a nadameg a daga, kuna ti APO dagiti BUYBUYOT” (Malakias 3:8-12)

21 Sal. 51:5, Rom. 3:10-12, 23 22 Mat. 26:63-64, 27:54, Luc. 1:30-33, Juan 9:35-37, Rom. 1:3-4 23 Ara. 4:12, 20:28, Rom. 3:25, 1 Juan 1:7, Pal. 5:9 24 Sal. 16:9-10, Mat. 28:5-7, Marc. 16:9, 12, 14, Juan 2:19, 21, 10:17-18, 11:25, Ara. 2:24, 3:15, Rom. 8:11, 1 Cor. 15:3-7 25 Luc. 22:69, Ara. 2:25-36, Heb. 10:12-13 26 1 Cor. 3:16, Pal. 3:20 27 Ef. 2:13-22, Heb. 9:22, 13:12, 20-21, 1 Juan 1:7, Pal. 1:5, 7:14 28 Mat. 26:28, Ara. 2:21, 4:12, Ef. 1:7, Col. 1:14 29 Mat. 21:22, Juan 6:35, 37-40, Rom. 10:13 30 Heb. 11:6 31 Juan 5:14, 8:11, Rom. 6:4, 1 Cor. 15:10, Pal. 7:14, 22:14 32 Mat. 28:18-20, Juan 3:5, Ara. 2:38, 19:3-5 33 Deut. 4:29, 13:4, 26:16, Jos. 1:8, 22:5, 2 Tim. 2:15, 3:14-17, San. 1:22-25, Pal. 3:18

Kontaken dakami para iti ad-adupay nga informasion wenno babasaen iti dadduma a topiko nga ayan ti interesmo.

Tony Alamo, World Pastor, Tony Alamo Christian Ministries Worldwide • P.O. Box 2948, Hollywood, CA 90078 USA

Linya ti 24-Oras a Panagkararag ken Imformasion: (661) 252-5686 • Fax (661) 252-4362

www.alamoministries.com • info@alamoministries.com

Ti Sangalubongan a Nakristianoan a Ministri ni Tony Alamo ket mangipaay iti lugar a mabalin a pagtalinaedan nga addaan kadagiti bambanag a nasken iti panagbiag para kadagidiay adda iti lokasion ti U.S. a pudno nga agtarigagay nga agserbi iti APO iti amin a puso, kararuak, panunot ken pigsa.

Dagiti Gimong a maar-aramid iti Ciudad ti New York Tunggal Martes iti 8 P.M. ken iti dadduma a lokasion iti rinabii.

Tawagan (908) 937-5723 para iti informasion. ADDA MAIDASAR A MAKAN KALPASAN TI TUNGGA GIMONG.

Dawatem iti libro ni Pastor Alamo, Ti Mesias, a mangiparang ken ni Cristo manipud iti Daan a Tulag iti nasurok a 333 a padto.

Makipagtrabahoka iti panagapit iti kararuak babaen iti panangiwarasmo kadagiti babasaen a sinurat ni Pastor Alamo.

Amin dagiti babasaen ken dedenggen a mensahe ket awan bayadna, agramanen ti pannakaibusonna.

Nu adda ti agpabpayad kadakayo, tawagam daytoy a numero (661) 252-5686 collect.

LINAON DAYTOY A BABASAEN TI PUDNO A PANGGEP TI DIOS A PANANGISALAKAN (Aramid 4:12).

SAAN MO NGA IBELBELLENG, IPASAM ITI SABALI.

Kadakayo nga adda iti dadduma a nasion, awisendakayo a mangipatarus iti daytoy a babasaen iti bukodyo a pagsasao.

Nu iprintayo manen, inayunyo daytoy a kalintegan iti kopya ken pannakairehistro:

© Copyright Abril 2013 Amin a karbengan naited World Pastor Tony Alamo © Nairehistro Abril 2013

Ilocano—Volume 17800—The Difference Between Salvation and Religion